

XITATIMENDE XA VUHANGALASAMAHUNGU

SARS YI KHOMA MUNGUNGUMERISI WA KHARENSI LOYI A EHLEKETELERIWAKA LOYI A KUMEKEKE NA R13.7 miliyoni

Pretoria, 27 Nyenyenyani 2019 - Vaofisiri va Vukorhokeri bya Xibalo bya Afrika-Dzonga (SARS) va yimisile mungungumerisi wa kharensi loyi a ehleketeleriwaka ku va a ri na 997 750 wa tidolara ta US leti ringanaka na R13 798 882.00 eRivaleni ra Swihahampfuka ra Misava Hinkwayo ra OR Tambo emadyambyini ya Musumbhunuko, ti 25 Nyenyenyani.

Mukhandziyi wa xinuna a ri na xibekana xa la makatleni nkarhi wolowo. Enkarhini wa mimbhurisano yo sungula, vaofisiri va endlile nkabelo exibekanini xa le makatleni, naswona eka phurose, mukhandziyi u tiyisisile leswaku u nghanisile beke yin'we exihahampfukeni.

Vaofisiri va yi le emahlweni va teka beke no lerusa mukhandziyi leswaku a ya endzhawini yo sechela ya Khasitomo, laha a nga konanisiwa ku ya emahlweni.

Enkarhini wa nkonaniso, u pfumerile leswaku u khomile kharensi ya matikomambe, kambe u ringetile ku tsongahata ntsengo. Hambiswiritano swi kumekile leswaku kharensi ya matikomambe a yi tumbetiwile ehansi ka tibeke timbirhi.

Loko a tsandzeka ku nyika nhlamuselo leyi twalaka mayelana na kharensi, vaofisiri va khomile muehleketeleriwa, no nwi yisa eka Vukorhokeri bya Maphorisa bya Afrika-Dzonga (SAPS).